

20.01.2021թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 002342/05

ՎԱՐՉԱԿԱՆ ԻՐԱՎԱԽԱՒՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ պետական եկամուտների կոմիտեի իրավաբանական վարչության պետ Ա. Մնացականյանս,
քննելով 20.01.2021թ. թիվ _____ վարչական իրավախախտման վերաբերյալ արձանագրությունը և
կից նյութերը,

ՊԱՐԶԵՑԻ

«ՄԱՐԿ ՍՊՈՐՏ ՏՈՒՐ» ՍՊԸ-ի տնօրեն՝ Անդրանիկ Մարգարյանը (ՀՎՀՀ՝ 01017723, հասցե՝ ՀՀ ք.
Երևան, Նոր Նորք 7 զանգված 58 23) ՀՀ Հարկային օրենսգրքի 156-րդ հոդվածի 1-ին մասով սահմանված
ժամկետում չի ներկայացրել 2020 թվականի օգոստոս ամսվա եկամտային հարկի հաշվարկը, ինչի համար
նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի
169-ի հոդվածի 2-րդ մասով:

Վարչական վարույթի շրջանակներում Անդրանիկ Մարգարյանին փոստային ծառայության միջոցով
հասցեագրվել է ծանուցագիր՝ վարչական իրավախախտման վերաբերյալ արձանագրության կազմմանը և
գործի քննությանը մասնակցելու վերաբերյալ: Նկատի ունենալով, որ ծանուցագրի ստացման փաստը
հավաստող ապացույց առկա չի եղել, ուստի ՀՀ ՊԵԿ իրավաբանական վարչության պետի կողմից
20.11.2020 թվականին կայացվել է վարչական վարույթը կասեցնելու մասին որոշում՝ համաձայն
«Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ»
կետի:

Պատշաճ ծանուցված լինելով արձանագրության կազմման, գործի քննության վայրի և ժամանակի
մասին, ակտի հասցեատերը չի ներկայացել: Գործում առարկություն կամ բացատրություն առկա չէ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում հայտնի
է դարձել, որ Անդրանիկ Մարգարյանը 2020 թվականի օգոստոս ամսվա եկամտային հարկի հաշվարկը
ներկայացրել է օրենքով սահմանված ժամկետից ուշ՝ 13.01.2021թ-ին և հաշվարկից առաջացած վճարման
ենթակա գումարը կազմել է 5.000 ՀՀ դրամ, որը նույն օր վճարել է:

Հաշվի առնելով վերոգրյալը և նկատի ունենալով, որ 2020 թվականի օգոստոս ամսվա եկամտային
հարկի հաշվարկից առաջացած գումարը կազմել է ընդամենը 5.000 ՀՀ դրամ և վարչական
իրավախախտումը նվազ նշանակություն ունի, ուստի ղեկավարվելով Վարչական իրավախախտումների
վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282
հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» ՀՀ
օրենքի 8-րդ հոդվածի, «Վարչարարության հիմունքների և վարչական վարույթի մասին» ՀՀ օրենքի 49-րդ
հոդվածի 3-րդ մասի՝

ՈՐՈՇԵՑԻ

1. Անդրանիկ Մարգարյանի վերաբերյալ հարուցված թիվ _____ վարչական վարույթը վերսկսել
2. Անդրանիկ Մարգարյանին ազատել վարչական պատասխանատվությունից և հայտարարել
բանավոր դիտողություն:

3. Անդրանիկ Մարգարյանի վերաբերյալ հարուցված թիվ _____ վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն
Վարչական տույժ նշանակելը վարչական իրավախախտում կատարած անձին չի ազատում նրա պատասխանատվություն կատարումից, որը
չկատարելու համար նշանակվել էր վարչական տույժ (հոդված 40)
Վարչական իրավախախտման վերաբերյալ գործի որոշման դեմ գանգատ կարող է տրվել որոշումն օրենքով
ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու
համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ
որոշումը կարող է բողոքարկվել ՀՀ վարչական դատարան՝ երկամսյա ժամկետում: